



599-908-918  
599-233-390

E-mail: gazetirustavi@gmail.com,  
gazetirustavi@mail.ru



გაზეთი  
გამოქვეყნდა  
1948 წლიდან

# რუსთავი

31

მარტი 2024 წ.

№1  
(109753)

ფასი 50 თეთრი



## რუსთავში ახალი, მრავალფუნქციური სპორტული კომპლექსი საზიარო პროექტში გაიხსნა



**ირაკლი კობახიძე:**  
— რუსთავი არის გამორჩეული ქალაქი გამორჩეული ხალხით. ეს ქალაქი ყველაფერს საუკეთესოს იმსახურებს და დღევანდელი დღე არის ამის გამოსატყულება...



**ნინო ლაშაბიძე:**  
— დარწმუნებული ვარ, რომ ეს ახალი სპორტის სასახლე კიდევ უფრო მეტად გააერთიანებს თითოეულ რუსთაველს და რუსთავი გახდება ახალი გამარჯვებების ქალაქად...

**რუსთავის მერია და პარლამენტის ბენდიტის თანასწორობის საბჭო ერთობლივ საილოტა პროექტს განხორციელებენ**



**ნინო ლაშაბიძე, ირაკლი შატაკიშვილი და დავით ნარმანია, GWP-ის პროექტების მიმდინარეობას გააცნენ**

**აზიის განვითარების ბანკი რუსთავში ინვესტიციების განხორციელებით დაინტერესდა**



**ირაკლი ქარსელაძე, ინფრასტრუქტურის მინისტრი**



**თბილისი-რუსთავის ავტობანის მშენებლობა წელს დაიწყება**

**საქართველოს საფეხბურთო ნაკრების წევრები ღირსების ორდენზე წარადგინეს**

პრემიერ-მინისტრმა ირაკლი კობახიძემ და პარლამენტის თავმჯდომარემ შალვა პაპუაშვილმა საქართველოს საფეხბურთო ნაკრების წევრები ღირსების ორდენზე წარადგინეს. შესაბამისი განცხადება პრემიერმა რესპუბლიკის მოედანზე გააკეთა, სადაც გულშემატკივრები და ნაკრების წევრები გამარჯვებას ზეიმობდნენ.  
— დღეს უბედნიერესი დღეა. ეს ის ბედნიერებაა, რომელიც ჩვენ გვაერთიანებს. ეს ბიჭები გმირები არიან, ისინი წარდგენილები იქნებიან ღირსების ორდენზე, თითოეული მათგანი. ყველას მიმართ დიდი სიყვარული მინდა გამოვხატო, — განაცხადა ირაკლი კობახიძემ.  
ისტორიაში პირველად, საქართველოს ეროვნული საფეხბურთო ნაკრები ევროპის ჩემპიონატზე ითამაშებს. საქართველოს ნაკრებმა ევრო 2024-ის საკვალიფიკაციო ეტაპის ფინალურ შეხვედრაში საბერძნეთის ეროვნულ ნაკრებს სძლია. ანგარიშის ბედი პენალტების სერიაში გადაწყდა და საქართველოს სასარგებლოდ - 4:2 დასრულდა. საქართველოს ნაკრები ევროპის ჩემპიონატზე პირველ თამაშს დორტმუნდში, თურქეთის ნაკრების წინააღმდეგ, 18 ივნისს ჩაატარებს.





რუსთავი: გასული დღეების ქრონიკა

# რუსთავში ახალი, მრავალფუნქციური სპორტული კომპლექსი გაიხსნა



რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდმა ქალაქ რუსთავში მრავალფუნქციური სპორტული კომპლექსის მშენებლობა დაასრულა.

კომპლექსის გახსნას დაესწრნენ საქართველოს პრემიერ-მინისტრი ირაკლი კობახიძე, რეგიონული განვითარებისა და ინფრასტრუქტურის მინისტრი ირაკლი ქარსელაძე, კულტურისა და სპორტის მინისტრი თეა წულუკიანი, ადგილობრივი ხელისუფლების წარმომადგენლები, UFC-ის ჩემპიონი ილია თოფურია.

მთავრობის მეთაურმა მადლობა გადაუხადა ყველა იმ ადამიანს, ვინც მრავალფუნქციური სპორტული კომპლექსის მშენებლობაში წვლილი შეიტანა, მათ შორის, რეგიონული განვითარებისა და ინფრასტრუქტურის მინისტრ ირაკლი ქარსელაძეს, აზიის განვითარების ბანკს, კულტურისა და სპორტის სამინისტროს, რეგიონის გუბერნატორს და ქალაქ რუსთავის მერს, დეპუტატებს.

კიდევ ერთხელ მინდა მოგესალმეთ რუსთაველებს, მოგილოცოთ დღევანდელი დღე. კიდევ ერთხელ მინდა ხაზი გავუსვა იმას, რომ დღეს გვაქვს გამოორჩეული დღე სხვადასხვა თვალსაზრისით და პირველ რიგში



სთვის, რომელიც ჩვენს ქვეყანას მოუტანა, - განაცხადა პრემიერმა.

ორსართულიანი, დახურული ტიპის სპორტული კომპლექსის მთავარი დარბაზი მოემსახურება მრავალმხრივ სპორტულ სახეობას. კერძოდ, დარბაზში შესაძლებელი იქნება ღონისძიებების



იმით, რომ ვზეიმობთ წარმოდგენილ წარმატებას, ეს არის სპორტკომპლექსის გახსნა და UFC-ის ქამარი რუსთავში. ილია თოფურია არის რუსთაველების ნიჭიერების განსაკუთრებული მაგალითი, მაგალითი იმისა, თუ რამდენი რამის გაკეთება შეუძლია ქართველ კაცს თავისი ქვეყნისთვის. მადლობა ილია თოფურიას მისი პატრიოტიზმისთვის და იმ დიდი წარმატები-

გამართვა კალათბურთის, ფრენბურთის, ხელბურთის, მინი ფეხბურთის, კრივის, ჭიდაობის, ძიუდოს, ფარიკაობის სპორტულ სახეობებში. დარბაზის მოძრავი, ეგრეთ წოდებული ტელესკოპური ტრიბუნები გათვლილია 1500 მაყურებელზე და სივრცის ეფექტური გამოყენების საშუალებას იძლევა. დარბაზი მოწყობილი და აღჭურვილია საერთაშორისო სტანდ-



არტების შესაბამისად. შეჯიბრებების ჩასატარებლად დარბაზში დამონტაჟებულია ლედ ეკრანები. შენობა აღჭურვილია გათბობის, გაგრილებისა და ვენტილაციის სისტემებით.

სპორტულ კომპლექსში უკვე აღჭურვილია ფიტნეს დარბაზი და გათვალისწინებულია სპორტსმენების ვარჯიშისთვის და ადგილობრივი თუ საერთაშორისო დონის შეჯიბრებებისთვის საჭირო ყველა სივრცე: გასახდლები, საშხაპეები, დასასვენებელი და ინვენტარის შესანახი ოთახები, საკონფერენციო დარბაზი, ღია კაფე.

პრემიერ-მინისტრმა მადლობა გადაუხადა მუნიციპალური განვითარების ფონდის გუნდს შესრულებული სამუშაოსთვის, კონტრაქტორ კომპა-

ნიას და ასევე, საერთაშორისო პარტნიორს აზიის განვითარების ბანკს, რომლის ფინანსური მხარდაჭერითაც აშენდა კომპლექსი.

კომპლექსის მიმდებარედ მოეწყო რეკრეაციული ზონა, საფენმავლო ბილიკები, 85 ავტომანქანაზე გათვლილი ავტოსადგომი და დამონტაჟდა გარე განათების ლამპიონები.

მრავალფუნქციური სპორტული კომპლექსი სრულად ადაპტირებულია შეზღუდული შესაძლებლობების მქონე პირებისთვის.

პროექტი აზიის განვითარების ბანკის 24 მილიონი ლარის ფინანსური მხარდაჭერით განხორციელდა.



# რუსთავის მერია და პარლამენტის გენდერული თანასწორობის საბჭო ერთობლივ საპროექტს განახორციელებენ

რუსთავის მერია და პარლამენტის გენდერული თანასწორობის საბჭო, აუტისტიური სპექტრის მქონე ბავშვთა მშობლების გაძლიერების მიზნით, ერთობლივ საპროექტს განახორციელებენ რუსთავში სარეაბილიტაციო-განმავითარებელ ცენტრ „კესანეში“, აუტისტიური სპექტრის მქონე ბავშვთა მშობლების მხარდასაჭერად, გენდერული თანასწორობის მუდმივმოქმედი საპარლამენტო საბჭოს მიერ ინიცირებული პროექტი - „მწვანე შუქი“ განხორციელდება.



პროექტის დეტალებზე, დღეს, გენდერული თანასწორობის მუდმივმოქმედი საპარლამენტო საბჭოში გამართულ შეხვედრაზე იმსჯელეს. შეხვედრას, გენდერული თანასწორობის საბჭოს თავმჯდომარე ნინო ნილოსანი, რუსთავის მერი ნინო ლაცაბიძე, მერის მოადგილე ოთარ ტატალაშვილი, „კესანეს“ დირექტორი ეკა ნოზაძე და ორგანიზაცია „ილაპარაკეს“ დამფუძნებელი მარიამ დალაქიშვილი ესწრებოდნენ. საპროექტი აუტისტიური სპექტრის მქონე ბავშვების მშობლების ცნობიერებისა და ფსიქოლოგიური ჯანმრთელობის გაუმჯობესების მიზნით, ინტერდისციპლინური სერვისის მიწოდებას და ზოგადად, შშმ პირთა ოჯახების მხარდაჭერას ითვალისწინებს.

რუსთავის სარეაბილიტაციო განმავითარებელ ცენტრ „კესანე“ განსაკუთრებული საჭიროების მქონე 430 ბენეფიციარს ემსახურება, რომელთაგან 125 აუტისტიური სპექტრის მქონე ბავშვია.

რუსთავის მერია, სოციალური პროგრამების ფარგლებში, შეზღუდული შესაძლებლობების მქონე ბავშვების საკურორტო მომსახურებას, სხვადასხვა სახის სამედიცინო პროცედურებს და აუტისტიური სპექტრის მქონე ბავშვთათვის საჭირო თერაპიას აფინანსებს.

# აზიის განვითარების ბანკი რუსთავში ინვესტიციების განხორციელებით დაინტერესდა



აზიის განვითარების ბანკი, რუსთავში ურბანული განვითარების და მწვანე ინდუსტრიული პარკების შექმნაზე ორიენტირებულ პროექტებში ინვესტიციების განხორციელებით დაინტერესდა.

რუსთავის მერი ნინო ლაცაბიძე, რუსთავის მაჟორიტარი დეპუტატი საქართველოს პარლამენტში ირაკლი შატაკიშვილი, პარლამენტარი ალექსანდრე დალაქიშვილი და მერის პირველი მოადგილე კახა გურული აზიის განვითარების ბანკის ურბანული განვითარების უფროსს, მარია პია ანკორას და ჩინეთის განვითარების ინსტიტუტის მკვლევართა ჯგუფს შეხვდა.

შეხვედრაზე, მწვანე ეკონომიკაზე გადასვლის და კლიმატის ცვლილების სამოქმედო გეგმებზე და რუსთავში ახალი ინვესტიციების განხორციელების პერსპექტივებზე ისაუბრეს.

აზიის განვითარების ბანკის მხრიდან რუსთავში ურბანული და ეკოლოგიური პროექტების მხარდაჭერა, ქალაქის ახალი განვითარების კიდევ ერთი შესაძლებლობა იქნება.

საქართველოში ვიზიტად მყოფი მკვლევართა ჯგუფი, ჩინეთსა და მთელს მსოფლიოში, ინდუსტრიულ, სივრცით დაგეგმარებაზე და „მწვანე ეკონომიკაზე გადასვლის“ გეგმებზე მუშაობს.

რუსთავში არსებული რესურსების შესწავლის შემდეგ, ჯგუფი იმ პროექტებზე იმუშავებს, რომლის განხორციელებაშიც, აზიის განვითარების ბანკი, სამომავლოდ ინვესტირებას შეძლებს.

ნინო ლაცაბიძე: - ჩვენი გუნდი ვაგრძელებს მუშაობას, რომ მაქსიმალურად გამოვავლინოთ რუსთავის პოტენციალი და შევქმნათ ჩვენს ქალაქში ის ახალი შესაძლებლობები, რაც თითოეული რუსთაველისთვის არის მნიშვნელოვანი.

# რუსთავში აფხაზეთის ქუჩაზე ახალი საგზაო ინფრასტრუქტურა ეწყობა

რუსთავის მერი ნინო ლაცაბიძე, პროექტის მიმდინარეობას, მონიტორინგის მიზნით, სამუშაო ფორმატში ადგილზე გაეცნო.

აფხაზეთის ქუჩაზე, მე-7, მე-8 მიკრორაიონებს შორის და ლომოურის ქუჩასთან დამაკავშირებელ გზებზე, სრულიად ახალი საგზაო ინფრასტრუქტურის მოწყობა პროექტით გათვალისწინებული.

„რუსთავში, აფხაზეთის ქუჩაზე სამუშაოები აქტიურად მიმდინარეობს, პროექტი მოიცავს ორ უკვე არსებულ ქუჩაზე გზის რეაბილიტაციას და ერთი ახლის მოწყობას. ჩვენ უკვე არსებული ქუჩების რეაბილიტაციის პარალელურად, სრულიად ახალი საგზაო ინფრასტრუქტურის შექმნაზეც ვზრუნავთ. აღნიშნული პროექტის დასრულების შემდეგ, ტრანსპორტისგან განიტვირთება ცენტრალური ქუჩები, ფეხით მოსიარულეთათვის კი გადაადგილება ბევრად უფრო უსაფრთხო და კომფორტული გახდება. პროექტის ღირებულება 4 მილიონ ლარამდეა“, - განაცხადა რუსთავის მერმა ნინო ლაცაბიძემ.

საგზაო სამუშაოების პარალელურად, კომპანია GWP-იმ აღნიშნულ ლოკაციაზე 500 მმ დიამეტრის მაგისტრალური წყალსადენი შეცვალა, მოეწყო ახალი წყალარინების ქსელი და ჩამკეტი ურდული. ბუნებრივი გაზისა და ელექტროკომუნიკაციები მოეწყო მინისქვეშ. პროექტის ფარგლებში, აფხაზეთის ქუჩაზე ეწყობა სანიაღვრე ქსელი, გაკეთდა 500 მმ დიამეტრის კოლექტორი, დღემდე აფხაზეთის ქუჩაზე სანიაღვრე ქსელი არ არსებობდა. პროექტის თანახმად, გზებზე მოეწყო სანიაღვრე ქსელი, მიმდინარეობს ასფალტ-ბეტონის საფარის დაგება, გაკეთდება ველობილიკები, ტროტუარები, გარე განათებისა და სარწყავი სისტემები, მწვანე სივრცეები.

პროექტი ცენტრალური და ადგილობრივი ბიუჯეტის თანადაფინანსებით ხორციელდება, მისი ღირებულება 3 994 439 ლარია.

# ნინო ლაცაბიძე, ირაკლი შატაკიშვილი და დავით ნარმანია, GWP-ის პროექტების მიმდინარეობას გაეცნენ

რუსთავის წყალმომარაგების სისტემური გაუმჯობესების პროექტის ფარგლებში, კომპანია GWP-იმ სემეკში წარდგენილი გეგმის შესაბამისად, მეგობრობის გამზირისა და გაგარინის ქუჩის წყალმომარაგების ქსელების რეაბილიტაცია დაიწყო.

აღნიშნულის შესახებ ინფორმაციას რუსთავის მერია ავრცელებს.

მათივე ცნობით, რუსთავის მერი, ნინო ლაცაბიძე, სემეკის თავმჯდომარე დავით ნარმანია, საქართველოს პარლამენტში რუსთავის მაჟორიტარი დეპუტატი ირაკლი შატაკიშვილი, კომპანია GWP-ის გენერალურ დირექტორ ხოსე მიგელ სანტოსთან ერთად, სარეაბილიტაციო სამუშაოების მიმდინარეობას მონიტორინგის მიზნით ადგილზე გაეცნენ.

„რუსთავის წყალმომარაგების გაუმჯობესების მიზნით, ერთდროულად რამდენიმე ქუჩაზე მიმდინარეობს პროექტები. მოსახლეობას როგორც დავპირდით, ჩვენ მონიტორინგის პროცესში აქტიურად ვართ ჩართული, რომ ნაკლები დისკომფორტი ჰქონდეთ რუსთაველებს, კომპანიამ რაც შეიძლება სწრაფად უზრუნველყოს ჩვენი ქალაქის გამართული წყალმომარაგება და მოაგვაროს წლების განმავლობაში არსებული პრობლემები“, - განაცხადა რუსთავის მერმა, ნინო ლაცაბიძემ.

სემეკის მიერ დამტკიცებული გეგმა-გრაფიკის თანახმად, 2024 წელს კომპანია GWP-ი რუსთავში 18 მილიონი ლარის ინვესტიციას განახორციელებს.

„მარეგულირებელმა კომისიამ გაზრდილი საინვესტიციო გეგმა დაუმტკიცა GWP-ის იმისთვის, რომ რუსთავში არსებული პრობლემები რაც შეიძლება სწრაფად მოგვარდეს. დღეს ჩვენ რუსთავის მერიასთან ერთად ვახორციელებთ მონიტორინგს, რათა კომპანიის მიერ დანერგული პროექტები ადგილზე ვნახოთ, შევავსოთ სამუშაოების ტემპი და ხარისხი. ამ ეტაპზე GWP-ი საკმაოდ ინტენსიურად მუშაობს რუსთავში, იმისთვის რომ, გეგმა-გრაფიკი და ის პროექტები რაც ჩვენს მიერ არის დამტკიცებული, დროულად შესრულდეს“, - განაცხადა დავით ნარმანიამ.

ინფორმაციის თანახმად, მეგობრობის გამზირისა და გაგარინის ქუჩის წყალმომარაგების ქსელების რეაბილიტაციაში კომპანია ჯამში 5,5 მილიონ ლარს დახარჯავს.

„წყალსადენის ქსელის რეაბილიტაციის მიზნით, მსგავსი მასშტაბების პროექტე-



ბი რუსთავის მერიის, სემეკის და GWP-ის ერთობლივი ჩართულობით ხორციელდება. პროცესი შეგვიძლია ვთქვათ, რომ კარგი ტემპით მიმდინარეობს, მონიტორინგი ძალიან მნიშვნელოვანია, იმისთვის, რომ სამუშაოები მაქსიმალურად დათქმულ ვადებში დასრულდეს“, - განაცხადა ირაკლი შატაკიშვილმა.

მათივე ცნობით, მეგობრობის გამზირის სარეაბილიტაციო პროექტის ფარგლებში, სრულად განახლება 1700 მეტრამდე სიგრძის წყალსადენის ქსელი, დამონტაჟდება 15 ერთეული ევროსტანდარტის ჩამკეტ-მარეგულირებელი ურდული და მოეწყობა 11 საკვანძო ჭა. სამუშაოები დაიწყო გაგარინის ქუჩაზე, სადაც 1800 მეტრამდე სიგრძის წყალსადენის ქსელი განახლება, დამონტაჟდება 17 ერთეული ევროსტანდარტის ჩამკეტ-მარეგულირებელი ურდული და მოეწყობა 15 საკვანძო ჭა. კომპანიამ სამუშაოები ორივე ლოკაციაზე მიმდინარე კვირას დაიწყო, გაგარინის ქუჩაზე მაისში გეგმავს პროექტის დასრულებას, მეგობრობის გამზირზე კი ივნისში.

მეგობრობის გამზირისა და გაგარინის ქუჩის სარეაბილიტაციო პროექტების მიმდინარეობისას, აღნიშნულ ქუჩებზე ტრანსპორტის მოძრაობა ნაწილობრივ შეიზღუდება, წყალმომარაგების შეზღუდვა კი მხოლოდ დასკვნით, გადაერთებით ეტაპზე იქნება საჭირო. მასშტაბური სამუშაოების დასრულების შემდეგ, რუსთავში 40 000-ზე მეტ აბონენტს წყალმომარაგება მნიშვნელოვნად გაუმჯობესდება.



# როდის დასრულდება თბილისი-რუსთავის ავტობანის მშენებლობა?

ეს საკითხი განსაკუთრებით მნიშვნელოვანია რუსთაველებისათვის, რადგან ყოველდღიურად ასობით რუსთაველს უნევს დედაქალაქში მგზავრობა. გზა კი გადატვირთულია და ხშირად იქმნება საცობი, რაც სერიოზულ დისკომფორტს უქმნის ჩვენს თანამოქალაქეებს.

გთავაზობთ „ფაქტ-მეტრის“ მიერ მომზადებულ მასალას, რომელშიც საუბარია იმაზე, თუ რამ გამოიწვია ამ მეტად მნიშვნელოვანი ავტომაგისტრალის მშენებლობის შეფერხება

თბილისი-რუსთავის მაგისტრალის მშენებლობის პროექტს რეგიონული განვითარების და ინფრასტრუქტურის სამინისტრო და მუნიციპალური განვითარების ფონდი, აზიის განვითარების ბანკის დაფინანსებით ასორციელებდა. პროექტი საერთაშორისო მნიშვნელობის „თბილისი-წითელი ხიდი“ (აზერბაიჯანის რესპუბლიკის საზღვარი) საავტომობილო გზის თბილისი-რუსთავის მონაკვეთის მოდერნიზაციას ითვალისწინებდა.

მთლიანობაში ავტომაგისტრალის სიგრძე 17.4 კილომეტრია. ტრასის სირთულის გათვალისწინებით, საპროექტო ტრასა და, შესაბამისად, საპროექტო ღონისძიებები, სამ განსხვავებულ მონაკვეთად დაიყო: პირველი მონაკვეთი - საქალაქაშორისო ავტოსადგურიდან რესტორან „მარაბადამდე“ - სიგრძით 4 კილომეტრია. გზის განივი კვეთი 6-ზოლიანია, თითოეულის სიგანე - 3.5 მეტრი, გზის სამოსი ცემენტო-ბეტონისაა.

მეორე მონაკვეთი - ფონიჭალის მჭიდროდ დასახლებული ტერიტორია - საორიენტაციო სიგრძით 6.8 კილომეტრი. ამ მონაკვეთზე მდ. მტკვრის გასწვრივ ახალი, დაახლოებით 2-კილომეტრი სიგრძის ურბანული ტიპის შემოვლითი გზის მშენებლობა იგეგმებოდა. გზის განივი კვეთი 4-ზოლიანია, თითოეული ზოლის სიგანე - 3.75 მეტრი. გზის სამოსი ცემენტო-ბეტონისაა.

მესამე მონაკვეთი-ფონიჭალის დასახლების გასასვლელთან მდებარე „სოკარის“ ავტოგასამართი სადგურიდან რუსთავის ავტობანამდე - სიგრძით 6.6 კილომეტრია. გზის განივი კვეთი 4-ზოლიანია, თითოეულის სიგანე 3.75 მეტრია. გზის სამოსი ცემენტო-ბეტონისაა.

პროექტის ფარგლებში ავტომაგისტრალზე უნდა აშენებულიყო გზამტარები, სატრანსპორტო კვანძები, მინისკვეშა, სატრანსპორტო და საფეხმავლო ხიდეები, ტროტუარები. ზემოთ ჩამოთვლილი ინფრასტრუქტურის განვითარების შემდეგ, თბილისი-რუსთავის გზას, ამ მიმართულებით არსებული ორმხრივი მოძრაობა სრულად უნდა განეტივრთა და თბილისიდან რუსთავამდე მგზავრობის ხანგრძლივობა თხუთმეტ წუთამდე შეემცირებინა.

ავტობანის გზის პროექტზე მუშაობა ჯერ კიდევ 2012 წელს დაიწყო და მისი განხორციელება 17 თვის პერიოდში იყო დაგეგმილი, მაგრამ პროექტი 2012 წლის დეკემბერში შეჩერდა. მუნიციპალური ფონდის მაშინდელი ხელმძღვანელობის განმარტებით, პროექტი არაერთი მიზეზის გამო შეჩერდა: ტენდერში გამარჯვებულ კომპანიას („ნიუ ენერჯი“) ფინანსური პრობლემები აღმოაჩნდა. გარდა ამისა, მშენებლობის ნებართვა არ არსებობდა, რის გარეშეც სამშენებლო სამუშაოების დაწყება კანონმდებლობის დარღვევა იყო.

ამ ყველაფრის გათვალისწინებით, სამეთვალყურეო საბჭომ ტენდერი გააუქმა და გარკვეული პერიოდი პროექტის გადახედვას, სამშენებლო ნებართვის აღებას და ახალი ტენდერის

გამოცხადებას მოხმარდა.

2013 წლის მაისში მუნიციპალური განვითარების ფონდმა თბილისი-რუსთავის ავტომაგისტრალის სამშენებლო-სარეაბილიტაციო სამუშაოებზე ხელახალი ტენდერი გამოაცხადა. ტენდერში ჩინურმა კომპანია „სინოპიდრომ“ გაიმარჯვა, რომელსაც გზის პირველი და მესამე მონაკვეთების მშენებლობა უნდა განეხორციელებინა.

დასახლებული მონაკვეთების მშენებლობა 2014 წლის აპრილში დაიწყო და მისი დასრულება 2015 წლის სექტემბერში იყო დაგეგმილი, თუმცა, აღსანიშნავია, რომ თავდაპირველად შედგენილი პროექტი (2011-2012 წელს შემუშავდა პროექტი) გზის გარე ნაბიჯის ქსელისა და ადგილობრივი მნიშვნელობის გზების მოწყობას არ ითვალისწინებდა. კერძოდ, ავტომაგისტრალის მიმდებარე ტერიტო-



რიაზე დასახლებულ მოსახლეობას შიდა გზების არარსებობა სერიოზულ პრობლემებს უქმნიდა. მუნიციპალური განვითარების ფონდმა, აზიის განვითარების ბანკთან შეთანხმებით,

გადაწყვეტილება მიიღო და პროექტში ცვლილება შეიტანა.

პროექტში ცვლილებების შეტანამ საკონტრაქტო ღირებულება გაზარდა და ჯამში ნაცვლად 88,7 მილიონი ლარისა, თბილისი-რუსთავის ავტომაგისტრალის პროექტის ღირებულებამ 96.7 მილიონი ლარი შეადგინა. პროექტის დასრულება კონტრაქტით 2015 წლის სექტემბერში იყო დაგეგმილი, მაგრამ ვინაიდან პროექტში შევიდა ცვლილება და დამატებითი სამუშაოები უნდა განხორციელებულიყო (გარე განათება და მეორადი გზები), კონტრაქტორ კომპანიას სამუშაოების ვადა გაუგრძელდა და პროექტი 2015 წლის ბოლოს უნდა დასრულებულიყო. თუმცა მშენებლობა არც ამ ვადებში დასრულდა.

რაც შეეხება თბილისი-რუსთავის გზის მეორე - ფონიჭალის მონაკვეთის მშენებლობას, 2016 წლის დეკემბერში მუნიციპალური განვითარების ფონდმა და თურქულ კომპანია „სეზა ინშაატს“ შორის ხელშეკრულება გაფორმდა, რაც თბილისი-რუსთავის 6.4-კილომეტრიანი მონაკვეთის მშენებლობას ითვალისწინებდა. პროექტის ღირებულება 119 მლნ ლარი იყო. თუმცა, ფონიჭალის მოსახლეობის პროტესტის გამო, აღნიშნული მონაკვეთის ნაწილის მშენებლობა შეჩერდა. ავტობანის მიმდებარე ტერიტორიაზე მცხოვრები დაახლოებით 310 ოჯახი საკუთარი სახლებიდან გასახლებას, მათი ალტერნატიული ფართით დაკმაყოფილებას ან კომპენსაციას - 1კვ.მზე 1000 დოლარს, ითხოვდა.

მუნიციპალური განვითარების ფონდის მაშინდელი განცხადებით, თანხა, რომელსაც მოსახლეობა საკომპენსაციოდ ითხოვდა, არაგონივრული იყო და მისი გადახდა შეუძლებლად მიაჩნდათ. ფონდი მოსახლეობას მხოლოდ გამაგრებით სამუშაოებს სთავაზობდა, რაზეც ადგილობრივები არ თანხმდებოდნენ.

მოლაპარაკების მცდელობის მიუხედავად, ადგილობრივებმა სახელმწიფოს ავტობანის მშენებლობის გაგრძელებაზე თანხმობა არ მისცეს. აქედან გამომდინარე, 3.2 კმ სიგრძის მონაკვეთის მშენებლობა შეჩერდა, დასრულებული პირველი და მესამე მონაკვეთი კი დროებით დაუსრულებელ გზის მონაკვეთთან დაერთდა.

## ირაკლი ქარსელაძე, ინფრასტრუქტურის მინისტრი



## თბილისი-რუსთავის გზაზე დარჩენილი სამ-ნახევარი კილომეტრის მშენებლობას წელს დაპირებით

საქართველოს ინფრასტრუქტურის მინისტრის ირაკლი ქარსელაძის განცხადებით, თბილისი-რუსთავის დამაკავშირებელი გზის დარჩენილი მონაკვეთის მშენებლობის პროექტი წელს დაიწყება.

როგორც ინფრასტრუქტურის მინისტრმა „პალიტრანიუსის“ გადაცემაში „360 გრადუსი“ განაცხადა, დედაქალაქისა და რუსთავის დამაკავშირებელი გზა 17 კილომეტრს შეადგენს და დარჩენილია სამ კილომეტრნახევარი გზის მონაკვეთი, რომლის მშენებლობაზეც მოსამზადებელი პროცედურები დაიწყება.

„თბილისი რუსთავის დამაკავშირებელი გზა არის 17-კილომეტრიანი. ასაშენებელი არის დარჩენილი სამ-ნახევარი კილომეტრი. ამ მიმართულებით ჩვენ გეგმა გავაჩნია, რომლის ფარგლებშიც წელს მოსამზადებელი პროცედურები, სატენდერო პროცედურები, კონტრაქტორის შერჩევა უნდა უზრუნველვყოთ.

ვნახოთ, გეგმიდან გამომდინარე ბევრი გარემოებაა, რაზეც დამოკიდებულია, ბევრი დოკუმენტებია მოსამზადებელი. წელს პროექტის განხორციელებას დავიწყებთ ამ მოქმედებების შედეგად, იმდაგვარად, რომ ეს სამ კილომეტრნახევარიანი მონაკვეთიც იქნება უზრუნველყოფილი“, - განაცხადა მინისტრმა.



# საქართველოს უნივერსიტეტმა 100 000 ლარიანი ფონდის ბამარჯვებულები

## პირველკურსელები გამოავლინა

ზუსტად სამი წლის წინ, ქართულ საგანმანათლებლო სივრცეში, განსხვავებული და საინტერესო ინიციატივით გამოჩნდა საქართველოს უნივერსიტეტი, რომელიც 2021 წლიდან, მასთან ჩარიცხულ მაღალქულიან პირველკურსელებს სოლიდური თანხით აჯილდოებს.



აღსანიშნავია, რომ პირველ წელს, საპრიზო თანხა 50 000 ლარს შეადგენდა, ხოლო ახლა 100 000 ლარია. ელიკაშვილი ნინო, ცინაძე ანა, მჭედლიძე თინათინ, ურუშაძე ნინა, ცოცხალაშვილი ანა, წიქარიშვილი დიმიტრი, ჭილაშვილი თამარი, ორაბველიძე ელენე, ტყეშელაშვილი თამარ - სწორედ ეს სტუდენტები დაჯილდოვდნენ 2023 წელს ჩარიცხული პირველკურსელების საერთო სიიდან.

31 იანვარს, უნივერსიტეტში გამართულ ღონისძიებაზე, პირველკურსელებს კონკურსში გამარჯვება პირადად რექტორმა - კონსტანტინე თოფურიაშვილს მიულოცა.

**ბატონ კონსტანტინეს ვთხოვეთ, კიდევ ერთხელ გაეზიარებინა საგრანტო ფონდის შესახებ დეტალური ინფორმაცია და აგრძელებს თუ არა ამ პროექტს უნივერსიტეტი?**

– პირველ რიგში ვიტყვი, რომ დიას, 2024 წელს ჩვენ კვლავ გვეყოლება გამარჯვებული პირველკურსელები. პროექტი არ სრულდება და განვაგრძობთ, მაღალი ქულებით ჩარიცხული სტუდენტების ნახალისებას. ალბათ, ისიც გახსოვთ, რომ ჩვენ ვართ ერთადერთი კერძო უნივერსიტეტი, რომელიც გრანტით ჩარიცხულ სტუდენტებს ზუსტად იგივე პირობებს სთავაზობს, რასაც სახელმწიფო უნივერსიტეტი, კერძოდ ჩვენთან 100%-იანი გრანტით ჩარიცხული სტუდენტები სრულიად თავისუფლდებიან გადასახადისგან, იმის მიუხედავად თუ რამდენია გადასახადი მის შერჩეულ მიმართულებაზე.

100 000 ლარიან საგრანტო ფონდიდან სწორედ 100% -იანი გრანტის მფლობელებს შორის ხდება კონკურსი და უკვე მესამე წელია თანხები შესაბამისი რეიტინგის მიხედვით გაიცემა გამარჯვებულ პირველკურსელებზე, რა თქმა უნდა თავისუფალი მოხმარებისთვის, რაც იმას ნიშნავს, რომ სურვილისამებრ შეუძლიათ გამოიყენონ.

**ცინაძე ანა, თქვენ ერთ - ერთი გამარჯვებული ხართ, საკმაოდ სოლიდური თანხა მიიღეთ საჩუქრად, გაგვიზიარეთ ემოციები, აბიტურიენტობის პერიოდშივე გქონდათ ამ ფონდის შესახებ ინფორმაცია?**

– საგრანტო ფონდის შესახებ ინფორმაციას სკოლის პერიოდშივე გავიგე უნივერსიტეტის სოციალური ქსელებიდან. შემდეგ მახსოვს, უნივერსიტეტის ღია კარის დღეს დავესწარი, სადაც ამ გრანტის შესახებ დეტალურად ვთხოვე მოყვოლათ თუ რას გულისხმობდა და რა შემთხვევაში გადაეცემოდა შანსი პირველკურსელს მიეღო ეს შესანიშნავი და უნიკალური შესაძლებლობა.

როცა მიხსნიდნენ, რომ საჭირო იყო მქონოდა მაღალი ქულები ერთიან ეროვნულ გამოცდებზე და ამ კუთხით შეირჩეოდნენ პირველკურსელები, მართლა ვერ წარმოვიდგენდი, რომ მე გავხდებოდი ერთ - ერთი გამარჯვებული და ჩემი შრომის საფასურად უნივერსიტეტისგან ფონდიდან თანხას, განსაკუთრებით კი 10 000 ლარს დავიმსახურებდი.



მაგრამ ახლა აქ ვარ ძალიან ბედნიერი და ემოციებით სავსე. მე და ჩემ მეგობარს, ცოცხალაშვილ ანას როდესაც დაგვირეკეს, რომ გამარჯვებულთა სიაში მოვხვდით, ერთმანეთს სწორედ ის ამბავი გავუზიარეთ, თუ როგორ გავიგეთ ამ საგრანტო ფონდის შესახებ და როგორი წარმოუდგენელი გვეგონა გამარჯვება. მაღლობა საქართველოს უნივერსიტეტს, ჩემი შრომის დაფასებისთვის.



# დღას საქართველოს მწერლის მართალი სიტყვა ესაჭიროება

## სწორად ამ საქმეს ემსახურება თეა ირემავილის რომანი „არჩევანი“

გაზეთი „ასავალ დასავალს“ ბოლო კვირის ნომერში, სხვა აქტუალურ თემებთან ერთად დაიბეჭდა საქართველოს მწერალთა აკადემიის ხელმძღვანელის, ცნობილი ქართველი მწერლისა და კრიტიკოსის, პუბლიცისტის, ლიტერატურისმცოდნისა და მეცნიერის ბატონ კობა არაბულის წერილი-მიმართვა სათურით „უმორალო ვაკუუმში ქართველი ვერ ვადარჩება“.

საწყისი სტრიქონიდან ბოლო წერტილამდე მთლად ქართველთათვის აუცილებლად ნასაკითხი ეს საშვილიშვილო ნააზრევი მიზნად ისახავს, ქვეყნის მთავრობას აუცილებლად გააგებინოს, როგორ სჭირდება დღეს საქართველოს ლიტერატურული მწერლის მართალი სიტყვა და სიტყვის მსახურთა მოსმენა, მათი ნააზრევის გარჩევა-გაზიარება, ზოგადად, ჭკვიან კაცთათვის ყურისგდება და მათი გულწრფელი რჩევების გათვალისწინება ყოველდღიურ პოლიტიკურ მოღვაწეობაში, რათა ურთულეს ძნელებდობას ქვეყანამ დაუმარცხებლად დააღწიოს თავი და ორად გაყოფილი ქართველობა გადარჩეს. ისტორიულად და ტრადიციულად, წერს ბატონი კობა ერის ინტელექტუალური, გონებრივი და კულტურული დაცვის პირამიდის აგება სიტყვის მსახურთა გარეშე ყველაზე ბრძენ მთავრობასაც გაუჭირდება.

დიას, სიტყვის ძალის და მითუმეტეს მშვიდობიანი მწერლური სიტყვის გარეშე არც ყოფილა და არც არასოდეს იქნება მშვიდობა, თავისუფლება და გამარჯვება, რადგან არსთა გამრიგებ თავად ჩადო სიტყვაში ღვთის ძალა, ნება და ნიგნთა წიგნის დასაწყისშივე აღიარა „პირველად იყო სიტყვა და ეს სიტყვა იყო ღმერთი“. სწორედ ღმერთმა მისცა სამყაროში მილიარდობით არსებულ ცოცხალ ორგანიზმთა შორის სულიერ ადამიანს მეტყველების უნარი, რათა მან, ღვთის ნებით თავისი გონიერების და სულიერი ქმნადობის დასტურად, ნებისმიერ დროს იარაღად ენა გამოიყენოს და მისით გადაირჩინოს თავი, ენით გადაარჩინოს კაცობრიობა. მწერალმა და მწერლობამ ხომ უდაოდ და თავისთავად.

ამ კონტექსტში და დღევანდელ ყოფაში უდიდეს საიმოვნებას მგვრის ის ფაქტი, რომ სამშობლოს ტკივილებით

გულდამძიმებული თუ აფორიაქებული ახალგაზრდა მწერალთა თაობა თავისი ნიჭიერი ლიტერატურული ნააზრევი და შესაბამისად, გამოცემული ნიგნებით აშკარად გვერდში უდგას მამა-პაპათა იმ თაობას, რომელთაც პირად ტკივილებზე მეტად სტკივით სამშობლოს ბედი.

მოწყვლილი და დარდიანი საქართველოს ხილვა და მის პრობლემებზე წერა ძალიან საინტერესო და ნიჭიერია ახალგაზრდა მწერლის, ჩვენი ქალაქის სასამართლოს მოსამართლის მწერალ-თანაშემწის **თეა ირემავილის** რომანი „არჩევანი“ თვითმიზანი კი არაა, მიზანი და რეალური გზაა, რათა დღევანდელი ბოლომდე პირუთენელი დახატვით, ახალგაზრდების ტკივილების შეცნობით უკეთ შეაგრძობინოს ქართველ მკითხველს, „რომ ცხოვრებაში ადამიანის თვითმყოფადობა არჩევანის თავისუფლებით იწყება, თუმცა გადაწყვეტილების მიღება ხშირად ბევრ პრობლემასთან არის დაკავშირებული“, რასაც არცთუ იშვიათად გაუთვალისწინებელ კონკრეტულ შედეგებამდე მიყვავართ და, რაც ხშირად სინანულის მიზეზად ექცევა კონკრეტულ ადამიანს, ოჯახს თუ მთლიანად ქვეყანას.

რომან „არჩევანი“ სიუჟეტი ძალიან მოკლედ ასეთია: წიგნის მთავარი გმირი, თამარი, ავტორის პოტოტიპი, ძლიერი და მიზანდასახული ადამიანია, გერმანიაში ემიგრაციაში მყოფს „გერმანელი ვაჟი შეუყვარდება. მისი შემდგომი თავგადასავალი ბევრი ჩვენი თანამემამულის მსგავსიცაა და განსხვავებულიც, რაც ეპიზოდურად ძალიან საინტერესოდ ვითარდება რომანში სხვადასხვა პერსონაჟთა ურთიერთობებისას და ძალზე დამაჯერებელი თხრობით მთავარი სათქმელისაკენ მიემართება. დასასრულს ნაწარმოების გმირი ქალი არჩევანს სიყვარულში საკუთარი სინდისის კარნახით აკეთებს და უბირობო სიყვარულის ადგილად მშობლიურ ქვეყანას ირჩევს, ადრესატად კი, ქართველ ვაჟს. მისთვის „სასწორის ერთ მხარეს მშობლიური ქვეყანა, მშობლები, დები, მათი შვილები, საყვარელი ადამიანები, მეგობრები და კარიერა და ის ადამიანიც, რომელთანაც თავს მშვიდად და დაცულად გრძობს, და ყველაზე მთავარი მშობლიური სახლი, სადაც

დაიბადა, გაიზარდა და სადაც ახლაც ცხოვრობს... მიხვდით ალბათ, რომანი, რომელიც პირველ პირშია დაწერილი, ავტორის რეალურსა თუ გამოგონილ თავგადასავალს გვიაშობს, ნაწარმოები თანამედროვეობის პირდაპირი გამოძახილია და ბევრს ეუბნება კითხვის ნიშნით სავესე იმ ახალგაზრდებს, რომელთაც ვერ გაუკეთებიათ არჩევანი – უცხოობის სიამე თუ სამშობლო. სიყვარულის ძიება აქ თუ იქ. სამშობლო თუ უსამშობლოა, დაგინყება თუ მარადიული სსოვნა...

თეა ირემავილის რომანმა ორი წლის წინ ლიტერატურულ კონკურსში „მუზა“ (ნომინაციაში წლის საუკეთესო დებიუტი (აღმოჩენა) გაიმარჯვა და ავტორი, რომელიც წარმოშობით კასპიდანაა, ლიტერატურის მოყვარულთათვის ცნობადი გახდა. თეა ახლა უკვე ჩემი მეგობარია და ამჯერდ შეხვედრაზე ერთ სასიხარული ფაქტს მიმხელს, მას 27 მარტს თბილისში ეროვნულ საჯარო ბიბლიოთეკაში მეორე ახალი რომანის „უხილავი იარების“ პრეზენტაცია აქვს და რუსთაველებსაც გვგაბატყვება.

ახალი რომანი? ისიც ჩვენი თანამედროვეობის ძალიან საინტერესო გამოძახილია და ენება ქალთა მიმართ ძალადობის ფაქტებს, იმას, რაც ხშირად იმალება ნებით თუ უნებლიედ, კანონიერად თუ უკანონოდ და აშკარად ინვესტს ქალთა ჩაგვრას, ფიზიკურ საშინელებებს, სიჩუმე უკვე დაუშვებელია, ქალთა დევნა და დისკრიმინაცია წარსულს უნდა ჩაბარდეს, ასეთია მწერლის გადაწყვეტილება. აქვე დავსძენთ, რომ რომანი აგებულია ცხოვრებაში შესხვედრილ რეალურ თავგადასავლებზე, სამსუხარო ეპიზოდებზე, ცალკეულ პერსონაჟებზე... დადგა დრო, საქართველო ამ მოუთმენელი, უსამართლო პირობების გარეშე ცხოვრობდეს და ქალის სულიერი, ფიზიკურ-გონებრივი შესაძლებლობები მხოლოდ კეთილ საქვეყნო საქმეებს ხმარდებოდეს. ქართველი ქალისთვის დღესაც და მომავალშიც დედობა უმაღლესი ბედნიერების განცდად უნდა რჩებოდეს.

და ძალიან მოკლედ ისევ თეას შესახებ: სკოლა და უმაღლესი იურიდიული განხრით წარმატებით დაამთავრა, მაგისტრატურის კურსიც, რამდენიმე



საერთაშორისო პროექტით პრაქტიკები გაიარა პოლონეთსა და გერმანიაში, კერძოდ, ვარშავაში, კრაკოვში, ბერლინში, დრეზდენში, პოდსტამში... კარგად ფლობს ინგლისურ ენასა და გერმანულს, რუსულს... წელს იგი სტუმრად იყო მიწვეული ქალაქ ფრანკფურტში წიგნის საერთაშორისო ბაზრობაზე თავისივე საავტორო წიგნით „არჩევანი“.

წერა სკოლის პერიოდშივე დაიწყო ჩანახატებითა და საბავშვო ზღაპრების წარმოსახვითი გამოგონებით. ინსპირაციის წყარო და ადგილი საკუთარი ოჯახია, დედა და მამა, და და დისშვილებია, რომელთა პიროვნულობა ყოველდღიური ყოფით ენმანება მწერლის ინტერესებს, მშობლიური კუთხის უსაზღვრო სიყვარულს, საქართველოს დღევანდლობას, სამშობლოს მომავალზე ფიქრს. სათქმელად ალბათ ისიც ღირს, რომ ამ ნიჭიერმა გოგონამ, ჯერ კიდევ სრულიად პატარამ, მშობლიურ სოფელში თავისი წარმოდგენით სახლის წინ „დარგო“ 150 წლის მუხა და დღემდე სჯერა ამ ხის მარადიული სიცოცხლისა, რაც ბუნებრივია, მშობლიური ქვეყნის სიყვარულისა და დღევანდლობის საზრისს უკავშირდება.

– ძალიან მინდა ჩემი სამშობლო ბედნიერი და საამაყო ადამიანებით სავსე იყოს, ყველანი ერთად კი არაფერს ვიშურებდეთ მისი წინსვლისა და გამარჯვებისათვის! – გულწრფელად აცხადებს თეა ირემავილი.

ლია მარტაშვილი


# მეგობრობა

რუსთაველმა მხატვარმა გურამ მღებრიშვილმა წლების წინ ერთიანი საქართველოს მეფეების პორტრეტების სერია შექმნა, რომელმაც საყოველთაო მოწონება დაიმსახურა. ეს პორტრეტები იბეჭდებოდა პერიოდულ პრესაში, ცალკეულ გამოცემებში, თავის დროზე სპეციალური კალენდარიც კი გამოიცა მასობრივი ტირაჟით.

ამჯერად გურამ მღებრიშვილის მიერ შესრულებული პორტრეტები შევიდა გამომცემლობა „პერგამენტის“ მიერ დაბეჭდილ ნიგნში, რომელიც მოიცავს ცნობებს საქართველოს მეფეებისა და ხელისუფალთა შესახებ 23 საუკუნის მანძილზე.

წიგნი ილუსტრირებულია მხატვარ გურამ მრეზბრიშვილის მიერ. იმედია, აღნიშნული გამოცემა ყველა ოჯახის სამაგიდო წიგნად იქცევა.

გამოცემის სამეცნიერო კონსულტანტია ზემო ბეთლემის ტაძრის დეკანოზი მამა იოანე როსტიაშვილი, რუკების ავტორია ისტორიკოსი მანანა შეყილაძე.



# რას სწერდა ჯორჯ ვაშინგტონი ახალსიხელ ჰასან ფაშას



ჯორჯ ვაშინგტონისა და ჰასან ფაშას მიმონერის შესახებ ერთ-ერთი პირველი ამერიკული რომანი „ალჟირელი ტყვე“ 1797 წელს გამოაქვეყნა ამერიკელმა დრამატურგმა და იურისტმა როიალ ტაილერმა. სავარაუდოდ, ავტორი ეყრდნობოდა იმ ამერიკელ მეზღვაურთა და დიპლომატთა ნაამბობს, რომელთაც ალჟირის მმართველი თავად იხილეს. ტაილერის ნაწარმოები პოპულარობით სარგებლობდა და აშშ-ში რამდენჯერმე გამოიცა. საქართველოში ცოტამ თუ იცის ამერიკის შეერთებული შტატების პირველ პრეზიდენტს, ჯორჯ ვაშინგტონსა და ალჟირის მმართველს, ახალციხელ ჰასან ფაშას შორის მიწერ-მოწერის შესახებ. ამ საინტერესო ამბის შესახებ ცნობებს ისტორიკოსი კონსტანტინე ფერაძე გვანცდის.



# ფულის დაბრუნება პრობლემაა!

როგორ ამოვიცნოთ ინტერნეტში თაღლითური შეთავაზებები

სოციალურ ქსელში თაღლითური შეთავაზებები სულ უფრო ხშირი ხდება. აღნიშნულს ხელს უწყობს ციფრულების დაჩქარებული პროცესიც. მაგალითად, 2008 წლისთვის თუ საქართველოს 6-7% იყო ციფრულად, პანდემიის შემდეგ მაჩვენებელი 90%-ზე მეტია.

როგორც კიბერუსაფრთხოების ექსპერტი, ანდრო ბოცორიძე აცხადებს, რაც უფრო მეტად გაციფრულდება საქართველო, თაღლითებიც მეტად ადაპტირდებიან ტექნოლოგიებთან.



რაც უფრო გაციფრულდება საქართველოში ცხოვრება, ცხადია, თაღლითებიც უფრო მეტად ადაპტირდებიან ტექნოლოგიების მიმართ. ჯიბიდან თანხის მოპარვა რთულია, ქეში აღარ ტრიალებს იმდენად, - განაცხადა გოცირიძემ.

მოქალაქემ, რომელიც ინტერნეტ თაღლითობის მსხვერპლი გახდა, სამართალდამცავ ორგანოებს უნდა მიმართოს, თუმცა, თაღლითურად მოპოვებული თანხის უკან დაბრუნება სირთულეებთან არის დაკავშირებული.

დანაშაულის გახსნის მიხედვით, ნორმალური მაჩვენებელი გვაქვს. დანაშაული გახსნადია, მაგრამ ფულის დაბრუნება პრობლემაა. დამნაშავეები არ გვპარავენ კომპიუტერიდან მხოლოდ თანხას, შესაძლოა, მოგვპარონ პერსონალური მონაცემები, რომლითაც დადებენ თაღლითურ გარიგებას. ან თქვენი პროფაილი მოგპარონ და თქვენი სახელით გაყიდონ მაგალითად, ბილეთები, - ამბობს ანდრო გოცირიძე.

კითხვაზე, როგორ უნდა ამოვიცნოთ სოციალურ ქსელებში თაღლითური შეთავაზებები, კიბერუსაფრთხოების ექსპერტი ყველაზე ხშირად გამოყენებულ ინტერნეტ თაღლითობის მეთოდებს ასახელებს:

პირველი, გვანდინ ინფორმაციას ძალიან კარგი ან ძალიან სახიფათო რაღაცის შესახებ - მოიგეთ, მემკვიდრეობა დაგჩაბო, ძალიან დიდი ფასდაკლება ან დაჯარიმდით, თქვენი მეილი გატეხილია და ა.შ.

მეორე, გთავაზობენ ამას მნიშვნელოვანი კომპანიის სახელით, მაგრამ მართლწერაში არის შეცდომა, მაგალითად COCA-COLA-ს ნაცვლად შეიძლება O ნულიანით ეწეროს, TBC-ის ნაცვლად TBS.

მესამე, შეტყობინება მოიცავს აუცილებლად სწრაფი მოქმედებისკენ იძულებას. იმიტომ რომ დიდხანს თუ დაუკვირდებით, მიხვდებით, რომ თაღლითების ანკესია, ამიტომ გეუბნებიან, შეასრულე მოქმედება ერთ წუთში, ორ წუთში, ახლავე, ვინც პირველი გამოიგზავნის.. და ა.შ.

მეოთხე, ასეთი ტიპის შეტყობინება გთავაზობთ უსაფრთხოების პოლიტიკის დარღვევას - ისეთი მოქმედების განხორციელებას, რომელსაც სხვა დროს არ ჩაიდენდი, ასეთია მაგალითად, პაროლის გაზიარება, ბარათის მნიშვნელოვანი მონაცემების გაზიარება. თუ ამ მოქმედებათა ერთობლიობაა, დიდი ალბათობით, ეს არის თაღლითობა.

როგორც კი ეჭვი გაგვიჩნდება, რომ ის არის თაღლითური, არ გავაკეთოთ ზედმეტი მოქმედება. თუ რაიმე მოვიგეთ, ბილეთი ან მემკვიდრეობა მივიღეთ, ის ტელეფონზე აუცილებლად დაგვიკავშირდება, - განაცხადა გოცირიძემ.

# ააიპ „იმედის ექოსთან“ არსებული მარტოხელა ხანდაზმულთა პანსიონატის 2023 წლის საქმიანობის პრობრაბული ანგარიში

მარტოხელა ხანდაზმულთა პანსიონატი „იმედის ექო“ არასამეწარმეო, არაკომერციული იურიდიული პირია, რომელიც მდებარეობს მე-8 მიკრორაიონში. მის საქმიანობას წარმოადგენს მარტოხელა მოხუცებისა და უნარშეზღუდული პირების სოციალური და სამედიცინო მომსახურება, ოჯახურთან მიახლოებული გარემოს შექმნა, კულტურული დასვენებისა და გართობის ორგანიზება, მობინადრეების ზრუნვა-პატრონობა სიცოცხლეში და ქრისტიანული პატივის მიგება გარდაცვალების შემთხვევაში. პანსიონატში მიღება უპირობოა ყველა მარტოხელასათვის, უსახლკაროსა და საკუთარი თავის მოვლის უნარდაკარგულთათვის.

2023 წელს პანსიონატი მზრუნველობას უწევდა აღნიშნული კატეგორიის 20 მდე პირს, წლიურმა დანახარჯმა 84938 ლარი შეადგინა, ხოლო შემოსავალმა 89056 ლ. პანსიონატს დიდ პრობლემებს უქმნის კომერციული ტარიფები კომუნალურ გადასახადებზე, ეს განსაკუთრებით რთულდება ზამთრის პერიოდში, მოხუცებულთა პენსიებისა და შემონირულობების დიდი ნაწილი კომუნალურ გადასახადებზე იხარჯება, მითუმეტეს რომ პანსიონატს აქვს ცენტრალური გათბობა ბუნებრივ აირზე. 2023 წელს ბუნებრივი აირის დანახარჯმა შეადგინა 10125 ლ. ელექტროენერჯის ხარჯი შეადგინა 4508 ლარს, კვების პროდუქტებზე დაინარჯა 12547 ლარი, მოხუცების პამპერსებსა და მედიკამენტებზე 13194 ლ. ხელფასის ხარჯმა შეადგინა 29050 ლარი.

პანსიონატი არანაირ ეკონომიკურ საქმიანობას არ ახორციელებს, არ სარგებლობს შეღავათებით, გყვავს რამოდენიმე ერთგული გულშემატკივარი კომპანია, რომლებიც წლების განმავლობაში გვეხმარებიან. კომ-

პანია „რუსთავის წყალი“, რომელიც მოხმარებული წყლის დანახარჯს თვითონ გვიხდის, „სავანეთი“, რომელიც კვერცხს და ფრინველის ხორცს გვიგზავნის. ხშირად გვაკითხავენ სკოლის მოსწავლეები და ბავშვების აღსაზრდელები, სრულიად უცხო ადამიანები, რომლებიც ვინაობის გამხელის გარეშე აკეთებენ სიკეთეს. შემონირულობას არ იშურებენ მობინადრეთა ახლობლები, ზოგი ფულად დახმარებას გვინვეს, ზოგი პროდუქტებითა და სხვა აუცილებელი საგნებით გვეხმარება.

ალმუნის სახელობის სამლოცველო, რომელსაც დადებითი მუხტი შემოაქვს ჩვენი პანსიონატის მობინადრეთა ცხოვრებაში.

მადლობა ყველას ჩვენი პანსიონატის მობინადრეთათვის დღემდე განეული ქველმოქმედებისათვის! ღმერთმა ამრავლოს ყველა გულმონყალე ადამიანი.

2023 წლის განმავლობაში პანსიონატს საქვემოქმედო ორგანიზაციის სტატუსიდან გამომდინარე რაიმე შეღავათით არ უსარგებლია.

ააიპ „იმედის ექოსთან“ არსებული მარტოხელა ხანდაზმულთა პანსიონატის 2023 წლის უტყუარობა დადასტურებულია აუდიტორული ფირმის, შპს „ჯენერალ-აუდიტის“ აუდიტორული დასკვნით.

ააიპ „იმედის ექოსთან“ არსებული მარტოხელა ხანდაზმულთა პანსიონატის დირექტორი, ნელი დარაშვილი

ქ.რუსთავი 13.03.2024

15 წ. გამოცდილება და ხარისხი რომელსაც შეგიძლიათ დაეყრდნოთ!

**Windows** სისტემის და არა მხოლოდ ოსტატი

**BARABU**

**568685577**

ზურაბ ხეცოიძე

**ავიჯის და ნებისმიერი ტვირთის გადაზიდვა**

საქართველოს ნებისმიერი მიმართულებით.

ტელ: 599 62 33 03

**იყიდება ბინა**

ახალ რუსთავში, ვაჟა-ფშაველას ქუჩაზე, გიმნაზიასთან, იყიდება მაღალჭერიანი 2 ოთახიანი ბინა, 70 კვადრატამდე.

2 იზოლირებული საძინებლით, ცენტრალური გათბობით და დიდი სარდაფით. 3/1 სართულზე.

ფასი 75 000 დოლარი (დაკლებით) 555159411

**პიბიჯი ბაუჩაბუჩას ბაღალ ფასში**

გაჯათი, ჩაუალი, ჟურნალი, ნიგნი, ფორგაზის (ქსაროქსის) ქაღალდი

**მისამართი:** მესხიშვილის მე-2 გასასვლელის №4-თან (ავტოსადგომის ტერიტორია) 10-დან 19 სთ-მდე ტელ: 579 808-818



# რუსთავი მოქანდაკეთა საერთაშორისო სიმპოზიუმს უმასპინძლებს

**რუსთავის მოქანდაკეთა საერთაშორისო სიმპოზიუმი 2024**



ლონისძიება რუსთავის კულტურისა და დასვენების პარკში სპეციალურად მოწყობილ იმ სივრცეში გაიმართება, სადაც მე-20 საუკუნის 90-იან წლებში, რუსთავის პირველი საერთაშორისო სიმპოზიუმი გაიმართა.

ქალაქის ცენტრალურ პარკში, 2024 წლის სიმპოზიუმისთვის მზადების პროცესს, რუსთავის მერი ნინო ლაცაბიძე მოქანდაკე ჯუმბერ ჯიქიასთან და მუნიციპალიტეტის წარმომადგენლებთან ერთად გაეცნო.

მოქანდაკეთა საერთაშორისო სიმპოზიუმი-2024, 8 ივნისს გაიხსნება. ქართველი და უცხოელი სკულპტორები სიმპოზიუმის სივრცეს 21 დღის განმავლობაში დაიკავებენ და მათ მიერ შექმნილი ქანდაკებები ქალაქის ქუჩებში განთავსდება.

# „ჰელადოსის“ პრემიერა დაუნის სინდრომის საერთაშორისო დღეს დაემთხვა



ნოდარ დუმბაძის „ჰელადოსის“ მიხედვით დადგმული სპექტაკლის პრემიერა ზაქარია ფალიაშვილის სახელობის ხელოვნების სკოლის დარბაზში გაიმართა.

ლონისძიებას რუსთავის მერი ნინო ლაცაბიძე მოადგილე ოთარ ტატალაშვილთან და მუნიციპალიტეტის სხვა წარმომადგენლებთან ერთად დაესწრო.

ინტეგრირებული თეატრის სპექტაკლებში, პროფესიონალ მსახიობებთან ერთად, შეზღუდული შესაძლებლობების მქონე მოყვარული მსახიობები არიან დაკავებულნი.

დასი უკვე 8 წელია, წარმატებით მოღვაწეობს და საკუთარი შემოქმედებით, შეზღუდული შესაძლებლობების მქონე ადამიანების სოციალიზაციას და მათი პოტენციალის გამოვლენას უწყობს ხელს.

ლონისძიება რუსთავის მერიის ააიპ „სახელოვნებო, სპორტისა და ახალგაზრდობის განვითარების ცენტრის“ ორგანიზებით გაიმართა.

„აზდაკის ბაღის“ ინტეგრირებული თეატრის დასს ვუმასპინძლეთ რუსთავში. სიმბოლურია, რომ მათი სპექტაკლის - „ჰელადოსის“ პრემიერა დაუნის სინდრომის საერთაშორისო დღეს დაემთხვა. ძალიან ემოციური შეხვედრა გვექონდა. ეს სპექტაკლი კიდევ ერთხელ გვარწმუნებს ყველას, რომ შეზღუდული შესაძლებლობები არ არსებობს.

– დიდი მადლობა მინდა ვუთხრა რუსთავის მერიის კულტურის სამსახურს, ამ განსაკუთრებული დღის ორგანიზებისთვის, – განაცხადა რუსთავის მერმა ნინო ლაცაბიძემ.



# რუსთავის მუნიციპალიტეტში სადარბაზოების რეაბილიტაციის ორი პროგრამა მოქმედებს



თუკი თქვენი საცხოვრებელი კორპუსის სადარბაზო რეაბილიტაციას საჭიროებს, ამისთვის რუსთავის მერიის (ა)იპ „რუსთავის კორპუსის“ სამსახურს უნდა მიმართოთ.

პირველი „ინიციატივების პროგრამა“, რომლის ფარგლებშიც მოსახლეობას სამშენებლო მასალები გადაეცემა, ხოლო სამუშაოების შესრულებაზე თავად მოსახლეობამ უნდა იზრუნოს.

მეორე „თანადაფინანსების პროგრამა“, ამ დროს სადარბაზოს რემონტისთვის მუნიციპალიტეტი 90%-იან წილში შედის, ხოლო დარჩენილ 10% ბინათმესაკუთრეთა ამხანაგობა იხდის.

მეორე პროგრამის ფარგლებში, თუკი კონკრეტულ სადარბაზოში სოციალურად დაუცველი ოჯახი ცხოვრობს, რომელთა სარეიტინგო ქულა 63 000-მდეა, რემონტისთვის საჭირო მათ წილ თანხას მუნიციპალიტეტი დაფარავს.

# ახალგაზრდულ დარბაზში მასპინძელმა „რუსთავმა“ „დელტასთან“ ბოლო წამზე წააგო



რუსთავში საზეიმოდ გაიხსნა ახალი სპორტის სასახლე, სადაც პირველი ოფიციალური მატჩი კალათბურთში გაიმართა. მატჩამდე დარბაზს საქართველოს პრემიერ-მინისტრი, სპორტისა და ახალგაზრდობის, ასევე, ინფრასტრუქტურის მინისტრი ესტუმრნენ. რუსთავის დარბაზი მთავრობის წევრებთან ერთად გახსნა UFC-ის ერთადერთმა ქართველმა ჩემპიონმა ილია თოფურია. გახსნაზე იმყოფებოდა რუსთავის მერი და სხვა მრავალი სახელმწიფო მოხელე.

ილია თოფურია ახალ დარბაზში მოსულ საზოგადოებას სიტყვით მიმართა და საჩემპიონო ქამარი წარუდგინა, რის შემდეგაც სუპერლიგის მე-18 ტურის ბოლო მატჩი გაიმართა, რომელშიც „რუსთავმა“ გურჯაანის „დელტას“ უმასპინძლა. „რუსთავის“ გუნდი სუპერლიგის ერთ-ერთი აუტსაიდერია და ბოლო მატჩებში ზედიზედ განცდილი წაგებების შემდეგ გავარდნის ერთ-ერთ კანდიდატი გახდა. აქედან გამომდინარე, ამ მატჩის მოგებას მასპინძლებისთვის განსაკუთრებული მნიშვნელობა ჰქონდა – ერთი მხრივ, სატურნირო და მეორე მხრივ – საზეიმო განწყობის დასაგვირგვინებელი.

ბედის ირონიასავით მოხდა, რომ სწორედ ასეთი პრინციპული მატჩი, რომლის მოგებაც გახსნის საღამოს დაამშვენებდა და ისტორიაშიც ჩაენერებოდა, რუსთაველებმა დრამატულად წააგეს. თითქმის მოგებულ შეხვედრა რუსთაველებს ჯიბიდან გიორგი ტურძილაძემ ამოაცალა, რომელმაც საფინალო სირენის თანხლებით გურჯაანელთა გამარჯვების ბურთი ჩააგდო.

თუმცა, სანამ საქმე გადამწყვეტ ბურთამდე მივიდოდა, რუსთაველებს მოგების რამდენიმე შანსი გაუცუდდათ. შეხვედრის დასრულებამდე ერთი წუთით ადრე „რუსთავი“ 66:64 იგებდა და შეტევაში იყო. ბურთი აიზია და შერმა ააცილა და გურჯაანელებმა შეტევა წარმატებით დაასრულეს – სირენამდე 35 წამით ადრე ბაირონ მაქსველმა გამათანაბრებელი გარღვევა განახორციელა – 66:66.

რუსთაველთა მორიგი შეტევა და სირენამდე 15 წამით ადრე მეტოქის საჯარიმოსკენ დაძრულმა და შერმა ბურთი დაკარგა. „დელტამ“ სწრაფი კონტრშეტევა განახორციელა, მაგრამ გადამწყვეტი სროლა ტურძილაძეს გაუცუდდა და დრო ამოიწურა. მსაჯებმა ვიდუორეფერი მოიშველიეს და განსაზღვრეს, რომ დასრულებამდე დარჩენილი იყო 0.6 წამი. ფარის ქვეშიდან შემოტანილი ბურთი ხელის ერთი მოძრაობით ტურძილაძემ რუსთაველთა კალათში მოათავსა და შეხვედრაც დასრულდა – 68:66. ასეთი დასანანი მატჩი რუსთაველებს ამ სეზონში არ წაუგიათ.

გურჯაანელთა რიგებში ბაირონ მაქსველი იყო საუკეთესო – 17 ქულა, 10 მოხსნა, 5 პასი. მატჩის გმირმა ტურძილაძემ სულ რაღაც 17 წუთში 17 ქულა და 9 მოხსნა მიითვალა. 12 ქულა და 8 მოხსნა ბექა ბექაურის ანგარიშზეა. რუსთაველებს დემარი კინგმა ულიდერა, 17 ქულა მიითვალა, გუგა პატაშურმა 9 ქულა დააგროვა, ხოლო სეთ აქსველმა – 8 ქულა და 10 მოხსნა.